

Centar za slušnu i govornu rehabilitaciju Sarajevo, ulica Asima Ferhatovića br. 2
(u daljem tekstu: **Investitor**), koga zastupa direktor *doc.dr.sc. Naim Salkić*
i

Bosman d.o.o. Sarajevo, ulica Rakovička cesta 18, koga zastupa direktor **Sunija Jahić**
(u daljem tekstu: **Izvođač**), z a k l j u č u j u:

U G O V O R o sanaciji i asfaltiranju dvorišta Centra

Član 1.

Ugovorne strane regulišu ovim ugovorom međusobna prava i obaveze o sanaciji i asfaltiranju dvorišta Centra, prema ponudi broj: 656/P/18 , od 16.10.2018. godine, koja je sastavni dio ovog ugovora.

Član 2.

Izvođač se obavezuje da će radove iz člana 1. ovog ugovora izvesti u skladu sa važećim tehničkim propisima, normativima i standardima, saglasno obimu, količinama i fiksnim jediničnim cijenama utvrđenim u Obrascu za cijenu ponude, u iznosu od **25.236,90 KM** (slovima: **dvadesetpet hiljadu vijestotinetrideset šest i 90/100 KM**).

U cijenu iz prethodnog stava obračunat je porez na dodatnu vrijednost

U slučaju pojave naknadnih i nepredviđenih radova, a u vezi sa ovim Ugovorom, nalog daje ovlašteni predstavnik Investitora na gradilištu, pismenim putem.

Ukoliko za naknadne i nepredviđene radove, ovim Ugovorom, nisu predviđene jedinične cijene, Izvođač će, prije izvođenja istih, Investitoru dostaviti pismenu ponudu, koja će biti sastavni dio Anexa na ovaj Ugovor i na osnovu kojih će se izvršiti obračun naknadno ugovorenih i izvedenih radova.

Član 3.

Pored obaveza koje su predviđene važećim propisima i ovim ugovorom, Investitor je obavezan:

- uvesti Izvođača u posao, što se potvrđuje upisom u građevinski dnevnik, najkasnije 10 (deset) dana nakon potpisivanja ugovora,
- oslobođiti prostor na kome će se izvoditi radovi,
- osigurati stručni nadzor nad izvođenjem radova, donošenjem posebnog rješenja/ugovora za Nadzorni organ.
- da izvođaču blagovremeno dostavi potrebnu tehničku i gradilišnu dokumentaciju
- da obezbijedi potrebne dozvole i odobrenja za izvođenje radova
- da izvođaču dostavi katastar podzemnih instalacija
- da poštuje ugovorene rokove plaćanja za izvedene radove

Član 4.

Pored obaveza koje su predviđene važećim propisima i ovim ugovorom, Izvođač je obavezan:

- početi sa izvođenjem radova danom uvođenja u posao, što će se konstatovati upisom u građevinski dnevnik
- odrediti posebnim rješenjem odgovornog rukovodioca radova,
- izvesti ugovorene radove stručno i kvalitetno prema Ponudi iz člana 1. ovog ugovora, a u skladu sa važećim tehničkim normativima i standardima,
- ugraditi kvalitetan materijal po tehničkom opisu i standardima,
- voditi svu građevinsku dokumentaciju predviđenu zakonima i tehničkim propisima.
- da za sve izmjene o odnosu na ovaj Ugovor, prije izvođenja radova sačini ponudu, te uz saglasnost Investitora, napravi potrebnu korekciju ponude i po zaključivanju Anexa na ovaj Ugovor pristupi izvođenju radova u skladu sa izmjenama, a sve u pisanom obliku

Član 5.

Po okončanju radova iz tačke 1. ovog ugovora, potpisće se građevinska knjiga i građevinski dnevnik od strane Investitora i Izvođača.

Primopredaja će se izvršiti zapisnički.

Ukoliko se u toku primopredaje utvrde nedostaci, Izvođač je dužan iste otkloniti u roku koji će biti sporazumno utvrđen.

Član 6.

Investitor će izvršiti plaćanje na osnovu utvrđenih jediničnih cijena iz ovog ugovora, a prema dostavljenom i od strane Nadzornog organa potpisnom konačnom situacijom urađenog posla.

Investitor će Izvođaču uplatiti avans u visini od 50% ugovorene vrijednosti nabavke. Preostali iznos ugovorene cijene uplatit će se po završetku radova.

Član 7.

Izvođač se obavezuje da sve radove iz ovog ugovora izvrši kvalitetno i stručno za 7 (sedam) kalendarskih dana od dana uvođenja Izvođača u posao, uz optimalne vremenske uslove.

Ugovoren rok se može produžiti uslijed:

- više sile (što podrazumjeva vanjske vanredne događaje, vremenske uslove itd.),
- mjera predviđenih aktima nadležnih organa, uključujući i dobijanje svih potrebnih dozvola koje su obaveza Investitora
- ljudskih radnji koje se nisu mogle predvidjeti, izbjegći ni ukloniti.

Ugovoren rok se produžava za onoliko vremena koliko su trajale pomenute okolnosti kao i za objektivno vrijeme potrebno za ponovnu organizaciju rada i nastavak radova

Član 8.

Ugovorne strane su saglasne da eventualne nastale sporove iz ovog ugovora riješe dogovorom, a ako u tome ne uspiju, ugovaraju nadležnost suda u Sarajevu.

Član 9.

Ovaj ugovor sastavljen je u 4 (četiri) istovjetna primjerka od kojih svaka ugovorna strana zadržava po dva.

Izvođač


Bosman d.o.o. Sarajevo

Direktor

Jahić

Broj: 173/4/18

Sarajevo, 30.10.2018



Investitor

Centar za slušnu i govornu
rehabilitaciju Sarajevo

Direktor

Doc.dr.sc. Naim Salkić

Broj: 01-1395/18

Sarajevo, 30.10.2018. godine

